

Visoki predstavnik predlaže plan od 10 tačaka za borbu protiv korupcije i otvaranje novih radnih mjesta

Obraćajući se zajedničkoj sjednici Parlamenta BiH u ponedjeljak, 27. maja, visoki predstavnik Paddy Ashdown predstavio je strategiju za pokretanje istrajne borbe protiv kriminala i korupcije u Bosni i Hercegovini i omogućavanje otvaranja značajnog broja radnih mjesta. Visoki predstavnik je sumirao svoju politiku na sljedeći način: "Prvo pravda. Onda radna mjesta. Putem reformi".

Visoki predstavnik je predložio sljedeću strategiju za borbu protiv kriminala:

1. Uspostaviti posebno sudsko vijeće koje će se baviti osjetljivim, visoko eksponiranim slučajevima.
2. Dovršiti uspostavu Suda BiH.
3. Završiti proces stvaranja sveukupnog pravnog okvira tako da policija, tužitelji i sudovi imaju pravne instrumente pomoću kojih će se kriminalci privesti pravdi.
4. Osigurati da Visoko sudsko vijeće postane operativno do jeseni, tako da BiH dobije visoko kvalificirane sudije i tužioce koje i zasluhuje.
5. Ojačati sisteme nadzora vlasti i spriječiti zloupotrebu ovlasti u javnom sektoru.

Visoki predstavnik je predložio sljedeću strategiju u oblasti zapošljavanja:

1. Ukloniti nepotrebnu birokraciju koja toliko otežava pošteno poslovanje i tjera mnoge u sivu ekonomiju.
2. Usvojiti zakone koji pomažu malim preduzećima da podižu kredite i da se razvijaju.

3. Uspostaviti jedinstven, i za korisnike pristupačan sistem registracije novih firmi.
4. Istrajati sa reformama zakona koji reguliraju imovinsko-pravne odnose tako da građani mogu investirati i planirati sa sigurnošću.
5. Uspostaviti ubrzane procedure za rješavanje privrednih sporova.